

3. HEXISEA OPPOSITIFOLIA. Huc : *Epidendrum oppositifolium* Rich. et Gal. Annales des sc. nat. 1845. Jan. p. 21 :

Caule erecto, bulbiformi articulato; articulis inflatis diphyllis, foliis oppositis oblongo-lanceolatis obtusis; floribus miniatis 2—4. terminalibus. Aff. *Diothoneae imbricatae* Lindl.

Mexico.

Olim haec notavi:

Caule erecto, articulato, articulis fusiformibus sulcatis, basi squamis (6—7) lanceolatis vestitis, diphyllis, foliis ligulatis cuneatis apice retusis emarginatis, floribus terminalibus 4 ex squamis exortis, sepalis lanceolatis acutis, tepalis minoribus, labello ligulato acuto, cum gynostemii alis basi cyatheiformi, margine inde involuto, dein patente, callo rotundo bicarinato ante foveam basilarem. Flores miniati. Oaxaca N. 5030. Galeotti. — *Euothonea oppositifolia* Rchb. fil. l. c.

*Obs.* Me iudice bene distinguuntur hae species. *H. imbricata* pollet labelli lamina excavata. *H. bidentata* et *oppositifolia* eandem planam gerunt. Prior habet callum transversum in carinas tres exeuntem et labelli aurículas bidentatas. Altera viget callo rotundo bicarinato et aurículas dolabriformibus.

*Obs.* Habeo iconem speciei insignis a Warscewiczio in itinere primo pictam. Flos triplo major labello obovato.